



**Broj predmeta:** 02-000195/21  
**Broj akta:** 01.11-1273IL-017/21  
Datum, 29. 7. 2021. godine  
Mjesto, Brčko

Na osnovu člana 52. Statuta Brčko distrikta Bosne i Hercegovine – prečišćeni tekst („Službeni glasnik Brčko distrikta Bosne i Hercegovine“, broj 2/10), člana 10. i člana 11. stav (2) Zakona o Vladi Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 22/18 – prečišćeni tekst, 49/18, 8/19, 10/19 i 32/19), člana 29. Zakona o izvršenju budžeta Brčko distrikta Bosne i Hercegovine za 2021. godinu („Službeni glasnik Brčko distrikta BiH“, broj: 04/21 i 12/21), a u skladu s Odlukom o kriterijima i načinu dodjele donacija – stipendija redovnim studentima Brčko distrikta BiH za period od 1. 1. 2021. godine do 30. 9. 2021. godine, broj predmeta: 02-000193/21, broj akta: 01.11-1273IL-019/21 od 28. 7. 2021. godine, na prijedlog Odjeljenja za obrazovanje, broj predmeta: 02-000195/21 od 19. 7. 2021. godine, Vlada Brčko distrikta Bosne i Hercegovine, na 21. redovnoj sjednici održanoj dana 28. jula 2021. godine, d o n o s i

## О D L U K U

### О VISINI I BROJU STIPENDIJA KOJE SE DODJELJUJU REDOVNIM STUDENTIMA ZA PERIOD OD 1. 1. 2021. GODINE DO 30. 9. 2021. GODINE

#### Član 1. (Predmet Odluke)

Ovom odlukom utvrđuje se visina i broj stipendija koje se dodjeljuju redovnim studentima za period od 1. 1. 2021. godine do 30. 9. 2021. godine.

#### Član 2. (Sredstva za isplatu stipendija)

Sredstava za isplatu stipendija osigurana su u Budžetu Brčko distrikta BiH za 2021. godinu, na organizacionom kodu: 20070001 – Pododjeljenje za visoko obrazovanje i nauku, ekonomski kod: 614200 – Tekuće donacije pojedincima – Analitička stavka: 614234 – Isplate stipendija, u ukupnom iznosu od 238.000,00 KM.

#### Član 3. (Kriteriji, način dodjele stipendija i broj stipendija)

Stipendije se dodjeljuju u skladu s Odlukom o kriterijima i načinu dodjele stipendija redovnim studentima Brčko distrikta BiH za period od 1. 1. 2021. godine do 30. 9. 2021. godine, broj predmeta: 02-000193/21 od 28. 7. 2021. godine, i to 170 stipendija, kako slijedi:

- do 30 stipendija studentima prve godine studija na javnim visokoškolskim ustanovama koji su proglašeni učenicima generacije, ili su ostvarili prosječnu ocjenu 5,00 u svim godinama četverogodišnjeg srednjeg obrazovanja, a koji po istom osnovu nisu bili korisnici stipendije;
- do 10 stipendija studentima druge i viših godina studija koji imaju prosjek ocjena 10,00 ili 5,00 u sistemu ocjenjivanja od 1 do 5 na javnim visokoškolskim ustanovama;

- do 5 stipendija studentima s posebnim potrebama koji su prva ili viša godina studija;
- do 3 stipendije studentu pripadniku nacionalne manjine koji je prva ili viša godina studija;
- do 5 stipendija studentima prve godine studija na javnim visokoškolskim ustanovama koji su bez oba roditelja,
- do 117 stipendija studentima druge i starijih godina studija.

#### **Član 4.**

##### **(Učenici generacije i učenici sa prosjekom 5,00)**

Redovnim studentima prve godine studija na javnim visokoškolskim ustanovama u akademskoj 2020/2021. godini koji su bili proglašeni učenicima generacije ili koji su imali prosjek ocjena 5,00 za vrijeme četverogodišnjeg srednjeg obrazovanja dodijelit će se do 30 stipendija u visini od po 200,00 KM mjesečno.

#### **Član 5.**

##### **(Studenti sa prosjekom 10,00 odnosno 5,00 u sistemu ocjenjivanja od 1 do 5)**

Redovnim studentima druge i viših godina studija koji imaju prosjek ocjena 10,00 ili 5,00 u sistemu ocjenjivanja od 1 do 5 na javnim visokoškolskim ustanovama dodijelit će se do 10 stipendija u visini od po 200,00 KM mjesečno.

#### **Član 6.**

##### **(Student s posebnim potrebama)**

Redovnim studentima prve i viših godina studija, a student je s posebnim potrebama dodijelit će se do pet stipendija u iznosu od 200,00 KM mjesečno.

#### **Član 7.**

##### **(Pripadnik nacionalne manjine)**

Redovnim studentima prve i viših godina studija koji su pripadnici nacionalnih manjina dodijelit će se do tri stipendije u iznosu od 200,00 KM mjesečno.

#### **Član 8.**

##### **(Student bez oba roditelja)**

Redovnim studentima prve i viših godina studija koji su bez oba roditelja dodijelit će se do 5 stipendija u iznosu od 200,00 KM mjesečno.

#### **Član 9.**

##### **(Druga i više godine studija)**

Redovnim studentima druge i viših godina studija dodijelit će se do 117 stipendija u visini od po 200,00 KM mjesečno.

#### **Član 10.**

##### **(Broj stipendija)**

Ukoliko se ne dodijele sve stipendije iz člana 4., 5., 6., 7., i 8. ove odluke, onda se za taj broj nedodijeljenih stipendija povećava broj stipendija iz člana 9. ove odluke, s tim da ukupan broj dodijeljenih stipendija po svim osnovama ne može biti veći od 170.

#### **Član 11.**

##### **(Raspisivanje javnog poziva)**

Zadužuje se Odjeljenje za obrazovanje Vlade Brčko distrikta Bosne i Hercegovine da u roku od 8 dana od dana donošenja ove odluke raspiše javni poziv za dodjelu stipendija.

**Član 12.**  
**(Stavljanje van snage)**

Ovom odlukom stavlja se van snage Odluka o visini i broju stipendija koje se dodjeljuju redovnim studentima za period od 1. 1. 2020. do 31. 9. 2020. godine, broj predmeta: 02-000121/20, broj akta: 01.11-1161DS-008/20 od 9. 7. 2020. godine.

**Član 13.**

Ova odluka stupa na snagu danom donošenja i objavit će se u „Službenom glasniku Brčko distrikta Bosne i Hercegovine“.

**DOSTAVITI:**

1. Članovima Vlade Brčko distrikta BiH,
2. Odjeljenju za obrazovanje,
3. Uredu za upravljanje javnom imovinom Brčko distrikta BiH,
4. Direkciji za finansije Brčko distrikta BiH,
5. Uredu koordinatora Brčko distrikta BiH u Vijeću ministara BiH,
6. Kabinetu gradonačelnika,
7. Sekretaru Vlade Brčko distrikta BiH,
8. Sektoru za opće poslove i strateško planiranje,
9. „Službenom glasniku Brčko distrikta BiH“,
10. Arhivi.

**GRADONAČELNIK**

Esed Kadrić